



4

手摺簿仔和手機仔

Tshiú-tsih-phōo-á hām tshiú-ki-á

鄭昱蘋

Tēnn Iòk-pîn



手機仔好用，毋過千萬毋通予伊縛牢牢。

Tshiú-ki-á hó-īng, m̄-koh tshian-bān m̄-thang hōo i pák-tiâu-tiâu.

拜六透早，阮規家伙仔^①轉去雲林庄跤看阿公、阿媽。
欲暗的時，我看阿公對褲袋仔^②搵一本細細本仔的冊，繼
落來閣佇頂面寬寬仔^③咧寫字。我好玄^④問阿公咧創啥，阿
公講這是伊的手摺簿仔^⑤啦，伊慣勢^⑥共重要的代誌記佇頂
面。我看冊內面記甲密甯甯^⑦的字和號碼，笑阿公綴袂著
時代矣。人這馬攏用智慧型的手機仔咧記代誌、記電話，
佢方便咧！

Pài-lák thàu-tsá guán kui-ke-hué-á tng-khì Hùn-lîm tsng-kha khuànn
a-kong, a-má. Beh àm ê sî, guá khuànn a-kong tuì khòo-tē-á jîm tsit pún sè-
sè-pún-á ê tsheh, suà--lòh-lâi koh tī tng-bîn khuann-khuann-á teh siá-jī. Guá
hòn-n-hiân m̄ng a-kong teh tshòng siannh. A-kong kóng tse sī i ê tshiú-tsih-
phōo-á--lah! I kuàn-sì kā tiōng-iàu ê tãi-tsì kī tī tng-bîn. Guá khuànn tsheh
lâi-bîn kī kah bát-tsiuh-tsiuh ê jī hām hō-bé, tshiò a-kong tuè bē tiòh sī-tâi--
ah. Lâng tsit-má lóng iōng tì-huī-hing ê tshiú-ki-á teh kī tãi-tsì, kī tiān-uē, guá
hong-piān--leh.



課文全文



段落俗註解

註解

- ① 規家伙仔 kui-ke-hué-á，又唸作 kui-ke-hé-á：全家人。
- ② 搵 jîm，又唸作 lîm：掏。
- ③ 寬寬仔 khuann-khuann-á：慢慢地。
- ④ 好玄 hòn-n-hiân：好奇。對於未知事物感到新奇。
- ⑤ 手摺簿仔 tshiú-tsih-phōo-á：本課指小筆記本。亦指金融機構發給存款人記載存款人存提記錄的小冊子，即存摺。
- ⑥ 慣勢 kuàn-sì：習慣。
- ⑦ 密甯甯 bát-tsiuh-tsiuh：形容非常貼合緊密，沒有空隙。
- ⑧ 瞭 lió：眼神迅速掃過事物，瞄了一眼。





段落俗註解

阿公共我⁸瞭一下，用手比我的手機仔講：「著！伊有智慧，啊你無智慧。」「是按怎？」阿公對我講：「規下晡，干焦看你坐佇椅仔頂咧耍手機仔，佢有智慧？有啦！加一對目矙，閣加一堆肥油啦！」啥！我心內咧想，敢講阿公是嫌我近視閣大箍？

A-kong kā guá lió--tsit-ē, iōng tshiú pí guá ê tshiú-ki-á kóng: "Tiòh! I ū tì-huī, ah lí bô tì-huī." "Sī-án-tsuánn?" A-kong tuì guá kóng: "Kui ē-poo kan-na khuànn lí tsē tī í-á-tíng teh sng tshiú-ki-á, guā ū tì-huī? Ū--lah! Ke tsit tuì bàk-tsiu, koh ke tsit tui puî-iû--lah!" Siánn! Guá sim-lāi teh siūnn, kám-kóng a-kong sī hiâm guá kīn-sī koh tuâ-khoo?



「我已經欲八十矣，逐工透早去田裡巡頭看尾，
歇晝⁹了去四箍圍仔¹⁰行行運動咧。佇厝裡有閒就看冊、
看報紙，加減仔認捌一寡智識。阿公毋是無手機仔
呢！毋過彼是佇外口抑是雄雄¹¹有需要的時才會用著，
有手機仔是加真方便啦！」我毋認輸，隨共應講：
「手機仔比你彼用甲欲爛去的手摺簿仔較好用咧幾若
百倍！」

"Guá í-king beh peh-tsáp--ah, tàk-kang thàu-tsá khì tshân--lí
sûn-thâu-khuànn-bué, hioh-tàu liáu khì sì-khoo-uî-á kiànn-kiànn ùn-
tōng--leh. Tī tshù--lí ū-îng tō khuànn-tsheh, khuànn pò-tsuá, ke-kiám-á
jīn-bat tsit-kuá tì-sik. A-kong m̄ sī bô tshiú-ki-á--neh! M̄-koh he sī tī
guā-kháu iáh-sī hiông-hiông ū su-iàu ē sī tsiah ē iōng-tiōh, ū tshiú-ki-á
sī ke tsin hong-piān--lah!" Guá m̄ jīn-su, suí kā ìn kóng: "Tshiú-ki-á pí lí
he iōng kah beh nuā--khì ē tshiú-tsih-phōo-á khah hó-îng leh kúi-nā pah
puê!"

註解

- ⑨ 歇晝 hioh-tàu：午休的時間。
⑩ 四箍圍仔 sì-khoo-uî-á：四周。
⑪ 雄雄 hiông-hiông：突然、猛然；
形容情況發生急促且出人意外。



段落俗註解



阿公¹²幌頭：「手摺簿仔雖然用寫的真¹³費氣，毋過那寫那記是訓練寫字閣訓練¹⁴記持¹⁴喔！像恁二伯、大姑、姨婆和恁兜的電話我攞嘛會記得。無，你講看覓咧，這擺恁阿爸、阿母哪會專工恁轉來？」「我想看覓咧？敢毋是轉來看阿公、阿媽？」「哎！是恁¹⁵叔伯阿兄娶某啦！像這種代誌阿公攞記佇咧手摺簿仔內面，三不五時咧寫咧看的時，就知影日子到未？」

A-kong ^{hàinn-thâu} : "Tshiú-tsih-phōo-á sui-jiân iōng siá--ê tsin ^{huì-khì}, m̄-koh ná siá ná kì sī hùn-liân siá-jī koh hùn-liân ^{kì-tī}--ooh! Tshiünn lín jī-peh, tuā-koo, î-pô hām lín tau ê tiān-uē guá lóng mā ē-kì--tit. Bô, lí kóng khuànn-māi--leh, tsit pái lín a-pah, a-bú ná ē tsuan-kang tshuā lín tng--lâi?" "Guá siünn khuànn-māi--leh? Kám m̄ sī tng--lâi khuànn a-kong, a-má?" "Aih! Sī lín ^{tsik-peh-a-hiann} tshuā-bóo--lah! Tshiünn tsit tsióng tãi-tsì a-kong lóng kì tī-leh tshiú-tsih-phōo-á lâi-bīn, sam-put-gōo-sī teh siá teh khuànn ê sī, tō tsai-iánn jīt-tsí kàu--buē?"



段落俗註解

註解

- ¹² 幌頭 ^{hàinn-thâu} : 搖頭。表示拒絕、否定或阻止。
- ¹³ 費氣 ^{huì-khì} : 麻煩、(事務)繁雜。也可指勞煩他人的客氣用語。
- ¹⁴ 記持 ^{kì-tī} : 記憶、記性。
- ¹⁵ 叔伯阿兄 ^{tsik-peh-a-hiann} : 堂哥。





阿公的話我是聽甲真歹勢，其實老師不時提醒阮逐家，手機仔好用，毋過千萬毋通予伊縛牢牢¹⁶。像我轉去厝裡，先拚死共功課清彩¹⁷寫予了，按呢才有法度用手机仔耍電動。阿姊嘛是牢佇手機仔咧看連續劇，閣和同學佇面冊¹⁸咧看相片，連去便所嘛愛紮入去。結果阮規个心情攏佇咧手機仔遐，阿母定罵阮實在有夠識¹⁹。

A-kong ê uē guá sī thiann kah tsin pháinn-sè, kî-sit lâu-su put-sî thê-tshénn guán tàk-ke, tshiú-ki-á hó-īng, m̄-koh tshian-bān m̄-thang hōo i pāk-tiâu-tiâu. Tshiūnn guá tng-khì tshù--lí, sing piànn-sí kā kong-khò tshìn-tshái siá hōo liáu, án-ne tsiah ū-huat-tōo iōng tshiú-ki-á sng tiān-tōng. A-tsí mā sī tiâu tī tshiú-ki-á teh khuànn liân-siòk-kiòk, koh hām tông-hák tī Bīn-tsheh teh khuànn siòng-phinn, liân khì piān-sóo mā ài tsah--jip-khì. Kiat-kó guán kui-ê sim-tshing lóng tī-leh tshiú-ki-á hia, a-bú tiānn mā guán sit-tsāi ū-kàu hām.

想想咧，有智慧的手機仔予阮成做一个袂曉運用時間的戇人啦！按呢實在真害。阿公共手摺簿仔囵入去橐袋仔²⁰，我嘛緊共手機仔收起來：「阿公，食飽煞，我綴你去散步、運動，敢好？」

Siūnn-siūnn--leh, ū tì-huī ê tshiú-ki-á hōo guán tsiānn-tsò tsit ê bē-hiáu ūn-iōng sī-kan ê gōng-lâng--lah! Án-ne sit-tsāi tsin hāi. A-kong kā tshiú-tsih-phōo-á khng jip-khì lak-tē-á, guá mā kín kā tshiú-ki-á siu--khí-lâi: "A-kong, tsiáh-pá suah, guá tuè lí khì sànn-pōo, ūn-tōng, kám hó?"



段落俗註解

討論

thó-lūn...



1. 課文中阿公的手摺簿仔有啥物路用？
伊對手機仔的看法是按怎？

2. 阿公和作者佢個阿姊運用手機仔的方式
佢時機有啥物無仝？

3. 作者對阿公講的話，自頭到尾的態度和
想法敢有啥物變化？

4. 你常在運用手機做啥物代誌咧？若共
手機仔收起來了後，敢會影響生活？

註解

- 16 縛牢牢 pāk-tiâu-tiâu :
被緊緊的束縛、限制住。
- 17 清彩 tshìn-tshái : 隨便、
不拘束、不認真。
- 18 面冊 Bīn-tsheh : 臉書。
- 19 譏 hām : 荒唐、誇張不
實的。
- 20 橐袋仔 lak-tē-á : 口袋。

文章紹介

佇這個科技快速發展的時代，手機仔是每一個人生活中上重要的工具，毋管是登記行程、瀏覽網站、寫文寄批抑是要電動，攞予手機仔總攬，伊已經成做咱上大的倚靠。不而過，使用數位產品雖罔利便，嘛可能害家己煞慣勢螢幕內底的虛擬世界，造成誠大的感情生疏。

這篇文章是對世代精差出發，比較公孫仔兩人手機仔的使用習慣，反思手機仔對人類生活的改變所帶來的好歹影響不止仔懸。少年人生活的空間，因為受著聲光刺激，漸漸對日常麻痺，顛倒定定佇庄跤咧巡田水的阿公，干焦共手機仔當做家私，生活才會當過甲健康實在。作者頭起先對阿公的講法直直幌頭，到尾仔愈想愈歹勢，隨共手機仔收起來，陪伴阿公去散步、運動。

對你來講，要手機仔占一工佹濟時間？等你摸煞，保留予親情五十做伙開講、交陪的時間，閣賭佹濟咧？希望逐家咧閱讀這篇文章了後，會使暫時離開 3C 產品，用目睷和心認真感受咱四箍輾轉的人情和環境。

作者紹介

作者鄭昱蘋老師是亞洲大學通識中心助理教授。作品捌著過真濟擺「南投玉山文學獎」散文、報導文學優選，嘛定定入選教育部閩南語朗讀稿徵文。伊也捌參加全國語文競賽臺中市複賽國語、閩南語演說、朗讀比賽，攞提著真好的成績。作品如〈福州囡仔〉(106 年教育部閩客語文學獎短篇小說教師組第三名)、〈著獎，趁私奇〉(112 全國語文競賽閩南語朗讀國中組錄取文稿)、〈我欲選市長〉(114 年全國語文競賽臺灣台語朗讀國中組錄取文稿)、〈無線的風吹〉(2023 年第十三屆臺南文學獎臺語散文佳作) 等等。





對話練習



聽看覓



孫仔

阿公，你敢知影這馬的智慧型手機仔除了網路和 Siri，
閣會使結合 AI 功能，有夠利便的啦！



阿公

聽講人工智慧 (jîn-kang tì-huī) 親像一個頂真 (tíng-
tsin) 閣精光 (tsing-kong) 的學生，不管時學你的習慣，
閣運用大數據 (sòo-kì) 自動分析你的需求，若親像恐怖
愛人仔全款！



孫仔

不而過，我若欲做功課的時，揣資料佹緊咧！



阿公

人工智慧袂輸是「江湖一支喙，講話糊癪癪
(hōo-luì-luì)」，放送的消息毋知是真抑
是假，千萬毋通攏共信篤 (sìn-táu)，才袂
變戇大呆 (gōng-tuā-tai)。



孫仔

著啦！真濟老歲仔咧捫 (huê) 面冊的時，看著廣告
毋知通「掰 (pué)」過去，烏白擲 (tshih/jih)，
誠實有夠澈的！



阿公

竟然敢共我圖洗 (khau-sé)！共你考看覓，
啥物號做「深仿 (tshim-hóng) 影片」？

註解

糊癪癪：形容人口才極佳，說得天花亂墜、誇大不實。

信篤：相信。

捫：用手指在東西表面滑動，有來回輕磨之意。

掰：撥開。

圖洗：諷刺、挖苦他人。

深仿影片：指透過 AI 深偽技術仿聲或仿形成為真人的影片。



一 一字多音



聽看覓

漢字	讀音	例詞
家	[文]ka	家庭 ka-tîng、家兄 ka-hing、家教 ka-kàu、公家 kong-ka (屬政府的)
	[白]ke	扞家 huānn-ke、家私 ke-si、倚家 khiā-ke、公家 kong-ke (合夥的)
轉	[文]tsuán	回心轉意 huê-sim-tsuán-ì、轉世 tsuán-sè、轉學 tsuán-hák、轉運站 tsuán-ün-tsām
	[白]tng	隔轉工 keh-tng-kang、輾轉 liàn-tng、轉骨 tng-kut、轉踎 tng-séh
勢	[文]sè	山勢 suann-sè、範勢 pān-sè、靠勢 khò-sè
	[白]sì	慣勢 kuàn-sì、東勢 Tang-sì、角勢 kak-sì

二 近義詞大集合



聽看覓

漢字	解說	例詞
瞭一下	眼睛快速掃過，瞄一下的意思。	影一下 iánn-- tsit -ē、眼一下 gán--tsit-ē、眯一下 bî-- tsit -ē、眦一下 siam--tsit-ē
寬寬仔	慢慢地	勻勻仔 ûn-ûn-á、沓沓仔 tàuh-tàuh-á、慢慢仔 bān-bān-á、聊聊仔 liâu-liâu-á
四箍圍仔	四面八方、周圍	四箍輾轉 sì-khoo-liàn-tng、四片 sì-pîng、四箍圍 sì-khoo-uî、四周圍 sì-tsiu-uî
雄雄	突然、猛然	無張持 bô-tiunn-tî、忽然 hut-jiân、一時間 tsit-sî-kan、步頻 pōo-pîn
一寡	一些、少許	一點仔 tsit-tiám-á、一屑仔 tsit-sut-á、一絲仔 tsit-si-á、一疔仔 tsit-phí-á、淡薄仔 tām-pòh-á
費氣	麻煩、費事	費氣費觸 huì-khì-huì-tak、夯枷 giâ-kê、加無閒 ke bô-îng、了時間 liáu sî-kan

三 俗諺



聽看覓

1. 老人毋講古，少年毋捌寶。

Lāu-lâng m̄ kóng-kóo, siàu-liân m̄ bat pó.

解說 老年人不說故事，年輕人得不到寶貴經驗。形容老年人有很多值得年輕人學習的經驗。

例句 聽阿公講了後，我才知影以前無手機仔通耍的時，囡仔攏奕尪仔標，實在誠趣味，真正是「老人毋講古，少年毋捌寶」。

2. 講甲你捌，喙鬚好拍結；講甲你會，頭毛喙鬚白。

Kóng kah lí bat, tshuì-tshiu hó phah-kat; kóng kah lí ē, thâu-m̄ng tshuì-tshiu pèh.

解說 講到你清楚之後，鬚鬚可以打結、頭髮鬚鬚也都白了。比喻要讓對方了解是很困難的一件事，用於揶揄對方理解力不好。

例句 這件代誌真複雜，我講半工矣你猶原是鴨仔聽雷。真正是「講甲你捌，喙鬚好拍結；講甲你會，頭毛喙鬚白」。

3. 少年袂曉想，食老毋成樣。

Siàu-liân bē-hiáu siūnn, tsiáh-lāu m̄-tsiānn-iūnn.

解說 年輕時思慮不周，等到老了生活堪憂。意即少壯不努力，老大徒傷悲。用來勉勵人年輕時要有遠見，努力為未來鋪路。

例句 逐工放學了，你攏屈佇房間耍手機仔耍到半暝，無想欲讀冊。俗語咧講：「少年袂曉想，食老毋成樣。」千萬毋通到老才定定怨嘆囡仔時。





四 俗電子用品相關的語詞

- ① 筆記型電腦 pít-kì-hîng tiān-náu
 平板電腦 pēnn-pán-tiān-náu

例句 阿母定定用平板電腦看戲齣，阿爸
 顛倒較捷用筆記型電腦做工課。



- ② 電腦主機 tiān-náu tsú-ki
 光纖網際網路 kng-tshiam bāng-tsè-bāng-lōo

例句 因為光纖網際網路的開發，這馬的電腦主機
 欲上網速度愈來愈緊。

- ③ 無線齒盤 bô-suànn khí-puānn (無線鍵盤)
 滑鼠 kùt-tshí/tshú

例句 這馬的電腦已經進步到會使用無線齒盤和滑鼠
 矣，實在真利便。



- ④ 電腦螢幕 tiān-náu îng-bōo
 觸控螢幕 tshiok-khòng îng-bōo

例句 較早電腦螢幕干焦會當用看的，這馬的手機仔
 抑是平板攏變做觸控螢幕。



聽看覓

⑤ 硬碟 ngē/ngī-tiáp

隨身碟 suī-sin-tiáp

例句 我煩惱電腦的硬碟會無張持來害去，
所以三不五時就用隨身碟備份。



⑥ 藍牙耳機 nâ-gâ hīnn-ki

隨身電源 suī-sin tiān-guân (行動電源)

例句 小明定掛藍牙耳機聽音樂，手機仔真緊
就無電矣，只好連接隨身電源。

⑦ 生成式 AI senn-tsiânn-sik AI

智慧開講機器人 tì-huī khai-káng ki-khì-lâng

例句 生成式 AI 是一種人工智慧技術，伊會使理
解和模仿人類，未來真有可能結合語音認別
和自然語言處理，開發出智慧開講機器人。





聽看覓

五 閩南語語法俾華語無全款

語法比較	閩南語例句	華語例句
「有…無」等於華語「嗎」，表疑問。	(○) 你今仔日有想欲出去迺迺無？ (×) 你今仔日想欲出去迺迺嗎？	你今天想出去玩嗎？
「咧 + V.」等於華語「V. + 著」，表持續狀態。	(○) 我看著小瑩咧騎跔踏車。 (×) 我看著小瑩騎著跔踏車。	我看到小瑩騎著腳踏車。
「V.」等於華語「V. + 著」，表動作的呈現	(○) 好矣！提冊包做伙行。 (×) 好矣！提著冊包做伙行。	好了！拿著書包一起走。
「乎—honnh」等於華語「吧」，表疑問。	(○) 你應該無欲讀冊乎？ (×) 你應該無欲讀冊吧？	你應該沒有要讀書吧？
「敢有 / 有…無」等於華語「正反問句」，表疑問。	(○) 無啦！會使陪你，妳敢有歡喜 / 有歡喜無？ (×) 無啦！會使陪你，妳歡喜無歡喜？	沒有啦！可以陪你，妳開不開心？
「主 + 共 + 賓 (名詞詞組) + V.」等於華語「主 + V. + 賓 (名詞詞組)」，表強調。	(○) 你共我騙，干焦欲共我安搭。 (×) 你騙我，干焦欲安搭我。	你騙我，只是想安撫我。
華語「主 + V. + (賓) + V.」時與閩南語用法一致	(○) 你袂記得佻我約好日子矣乎！ (×) 你共我約好時間袂記得矣乎！	你忘記跟我約好時間吧！
「啦」等於華語「吧」或「表敷衍、不耐煩、拒絕之意」，為句末語助詞。	(○) 歹勢啦！這擺是我袂記得。後回才閣約啦！ (×) 歹勢啦！這擺是我袂記得！後回才閣約吧！	對不起啦！這次是我忘記了。下次再來約吧！

語法比較	閩南語例句	華語例句
「若準」等於華語「的話」，表假設。	(○) 若準按呢，我會毋甘。 (×) 按呢的話，我會毋甘。	這樣的話，我會心疼。
「毋但」等於華語「不只」，表語意尚未完結。	(○) 雞卵糕佇遮！我為妳做的毋但按呢爾爾。 (×) 雞卵糕佇遮！我為妳做的不只按呢爾爾。	蛋糕在這！我為妳做的不只這樣而已。
「(予)了」等於華語「完」，表結束。	(○) 我欲佱你做伙共雞卵糕食予了。 (×) 我欲佱你做伙共雞卵糕食予完。	我要和你一起把蛋糕吃完。
「未」為詢問某動作是否已發生的疑問詞，相當於華語『了嗎』，表疑問。	你食飽未？	你吃飽了嗎？
「主 + 共 + 賓 + V.」等於華語「主 + V. + 賓」，表將或把。	(○) 我拄共雞卵糕食了矣。 (×) 我拄食了雞卵糕。	我剛吃完蛋糕。
「賓 + V. + adv.」等於華語「V. + adv. + 賓」，語法差異。	(○) 真好！門關咧，手擲懸，心情放予開。 (×) 真好！關上門，擲懸手，放開心情。	太好了！關上門，舉高手，放開心情。
「咱」指包括聽話者的我們，「阮」指不包括聽話者的我們。	(○) 咱騎車溜溜咧。 (○) 阮騎車溜溜咧。	我們一起騎車去兜風散心一下！



體驗活動

thé-giām uáh-tāng

活動 1

來一場辯論比賽，拚輸贏！

辯論題目：「高中生平常時使用手機仔是好處較贏稔處」

這馬的高中生，咧欲每一个攞有一支手機仔，隨時上網迫迫。較重視教育的爸妈，會共囡仔要求使用時間，抑是用獎勵佢處罰的方式，安排要的時間。學校為著莫影響學習狀況，嘛會規定統一保管。這個議題佇這站仔引起贊成佢反對的真濟意見。到底對高中生來講，佇成長的階段，使用手機仔的好處抑是歹處有啥物？就予咱逐家做伙來討論看覓！



操作規則

- 1 全班請分做正、反兩組，每一組固定4个人擔任辯論代表，其他的人做觀眾。一組是贊成「高中生平常時使用手機仔是好處較贏稔處」。另外一組是反對「高中生平常時使用手機仔是好處較贏稔處」。
- 2 正、反方各人愛有一辯、二辯、三辯和結辯到臺前發表，順序是：

順序	正方（先講）	反方（後講）	時間掌握
一	一辯	一辯	每一辯士 2 分鐘
二	二辯	二辯	
三	三辯	三辯	
四	結辯	結辯	

- 3 老師擔任主持人和計時人員，時間到的時，擲曉仔結束。
- 4 每一位辯論代表講煞，下底的觀眾會使徙去認同的彼片的椅仔坐落來，隨時會使變動。
- 5 最後結辯了後，請所有的觀眾投票，較濟人認同的彼組贏。
- 6 會使參考美國奧瑞岡式辯論制度施行，但是愛簡化流程佢規則。

辯論比賽紀錄單

1 我感覺正方的辯論員的佢一个講法較有理，請共重點寫出來。

2 我感覺反方的辯論員的佢一个講法較有理，請共重點寫出來。

3 你較支持佢一方的論點，為啥物？

4 你想欲共佢一个辯士擲讚鼓勵，請說明原因。

想欲擲讚的對象是 _____

請講出理由 _____





體驗活動

thé-giām uáh-tāng

活動 2

無手機仔的年代，無聊時間大揸拚

數位排毒是指逐家暫時莫使用 3C 用品，佢過去全款，享受單純生活。無手機的時陣，逐家攞做啥物代誌來消磨時間咧？有的人會曉設計桌奕，譬喻尪仔標、輾珠仔、行棋等等，招逐家比賽。嘛有人愛做手工物仔，利用軟管拗草蜢仔、樹葉呼嘯仔、拗紙，是手做物勢人。甚至有人想一寡仔心適、趣味的活動，親像跳樹奶索仔、遏手把、喝拳……，攞是度日子的好步數。想看覓，今仔日若無手機仔，你會想欲耍啥貨咧？請全班做伙討論，輪流分享佢比賽！



以早攞咧耍啥物

桌奕

我欲介紹的桌奕，號做

做的方式講透機

以早攞咧耍啥物 手做物

我欲紹介的傳統手做物，號做



做的方式講透機

以早攞咧耍啥物 心適的活動

我欲紹介的傳統心適的活動號做

做的方式講透機





一 選擇題

- () 1. 下面佢一个上會當說明阿公認為手摺簿仔的價值？
- (A) 比手機仔較俗
 - (B) 會當訓練寫字閣培養好記持
 - (C) 毋免驚無電
 - (D) 比手機仔較嬌
- () 2. 課文內底阿公講：「伊有智慧，啊你無智慧」，主要是欲表達啥物意思？
- (A) 手機仔比人較巧
 - (B) 作者的成績毋好
 - (C) 過度倚靠手機仔
 - (D) 少年人攏毋捌科技
- () 3. 文章後尾作者主動講欲陪阿公去散步，這代表啥物意思？
- (A) 想欲扶阿公予伊快樂
 - (B) 知影手機仔無路用矣
 - (C) 理解阿公的提醒，開始檢討改變
 - (D) 想欲健身減肥，無愛予阿公笑

二 配合題

請配合課文，共下跋的人物佢行為做配對：

A 阿公

B 作者

C 老師

a 手機仔真利便，好用閣好耍

b 使用科技愛有節制

c 手寫會當訓練寫字閣培養好記持

三 是非題

請佇符合閩南語語法的例句頭前拍圓箍仔就好，若無合請拍叉仔。

- () 1. 你明仔載有欲去學校嗎？
- () 2. 恁阿兄這馬咧讀大學乎？
- () 3. 下早仔厝邊有送伴手來，你敢有看著 / 你有看著無？
- () 4. 老師平常時仔的工課，不只是教冊爾爾。
- () 5. 今仔日你無欲轉來厝，咱只好家己食暗頓。
- () 6. 阿媽！放學了後，阮兩人欲佢同學去逛夜市。